



Ioannes ille (ut Volaterranus libro uigesimo primo Anthropol. testatur) natione Germanus extitit. Is à teneris annis operam literis dedit, atque foelici ingenio præditus in uirum doctissimum euasit. Quamprimum uerò literarum fundamenta percepisset, Lutetiã profectus, ibidem Mathematicas disciplinas magno auditorum concursu docuit, atq; apud omnes magnam eruditionis existimationem impetrauit, anno Christi circiter millesimo ducentesimo tricesimo. Aedidit etiam ibidem tractatum de Sphæra, qui etiamnum passim à Mathematicarum disciplinarum studiosis in manibus teritur. Cum hoc modo diu magna gloria ibidem

bonas literas professus esset, tandem anno millesimo ducentesimo tricesimo sexto moritur, & Lutetiã in Maturinorum monasterio sepelitur, ubi indies celebris uniuersitatis conuentus haberi solet. Sepulchrũ eius postea propter æternam eius memoriam Academiae proceres renouarunt, atq; Sphæram sepulchrali lapidi insculperũt, cum hac inscriptione: Hic conditus est Ioannes de Sacrobusto, Volat, Anon.